

2

Struchtúr Acadúil Dinimiciúil

Leagadh amach sa Phlean Straitéiseach na prionsabail agus na critéir a bheidh mar threoir don phróiseas athstruchtúrúcháin a mbeidh gá leis chun spriocanna na hOllscoile a bhaint amach. Le trí bliana anuas, rinneadh athstruchtúrú ó bhonn ar UCD agus anois tá an Ollscoil roinnte i gcúig Choláiste agus 35 Scoil.

Cé go bhfuil sé fós sna céimeanna tosaigh, cruthaíodh struchtúr acadúil dinimiciúil a bheidh mar bhonn ag an uile ní a bhainfidh UCD amach sa todhchaí. I dtimpeallacht atá de shíor ag athrú, ní mór do na Coláistí agus na Scoileanna iad féin a chur in oiriúint do na cúinsí nua agus barr feabhais a bhaint amach i ngach ceann dá ngníomhaíochtaí.

Coláiste na nEalaíon agus an Léinn Cheiltigh UCD

Is é príomhfhócas an Choláiste agus a ocht scoil ná:

- Leanúint ar aghaidh ag feabhsú agus ag saibhriú an eispéiris oideachais agus baint amach an chomhchruinnithe is mó de mhic léinn daonnachtaí in Éirinn;
- Tógáil ar an gclú maith seo i dtaobh na sármhaitheasa ina réimsí taighde;
- A bhailiúcháin luachmhara a chothabháil agus a fheabhsú i gCartlann Bhéaloidis na hÉireann, Cartlanna UCD, agus Institiúid Mhichíl Uí Cléirigh UCD;
- Tuiscint i measc an phobail náisiúnta agus idirnáisiúnta a leathnú faoina raon teagaisc, taighde agus acmhainní.

Forbairt Cláir

Ba é an cion oibre is mó le linn na bliana 2006/07 ná críochnú an athraithe go clár céime modúlaithe, agus comhtháthú a dhéanamh ar na Scoileanna nua, agus coistí an Choláiste. Le linn na bliana rinne foireann acadúil sa Choláiste athbheithniú chomh maith ar a straitéisí teagaisc agus taighde agus lean siad lena dtaifead láidir d'fhoilseacháin, agus de dhámhachainí taighde.

Tá ilchineálacht nua, a bhfuil fáilte mhór roimhe, i gcuid mhór ranganna bunchéime anois, siocair modúlaithe, le mic léinn tréidliachta ag tógáil modúl i mbéaloideas na hÉireann agus mic léinn leighis ag déanamh staidéir ar na clasaicí agus ar nuatheangacha. Faoi UCD Horizons tá tairiscintí nua, ina measc léann drámaíochta do mhic léinn bunchéime; modúil i léinn Ghaeilge; clár trí bliana i mbéaloideas na hÉireann agus BA/MA nua sna saorealaíona, a bhfuil mar aidhm aige roinnt de thraidisiúin churaclaim Newman a thabhairt do mhic léinn UCD sa lá atá inniu ann.

Is féidir le baill de Cheolfhoireann agus Cór Aireagail UCD creidiúint acadúil a fháil anois do thaibhiú agus rannpháirtíocht. Tá céim úr Díl le Stair ag athbhunú na gceangal traidisiúnta idir an

dá dhisciplín seo. Tá éileamh ar áiteanna san MA nua sa Scríobh Cruthaitheach; tá muinín ag an gColáiste go ndéanfaidh a chéimithe glúin nua de scríbhneoirí UCD a chothú.

Rinne Coiste Teagaisc agus Foghlama an Choláiste modúil ar scileanna staidéir a thriail sna daonnachtaí; ghríos siad comhoibrithe chun modhanna nua measúnúcháin agus teagaisc a chur in áit scrúduithe, mar shampla den fhoghlaím ar bhonn fiosraithe, agus d'oibrigh siad go dlúth le Leabharlann James Joyce UCD chun mic léinn a threalmhú le húsáid iomlán a bhaint as acmhainní nua leictreonacha. Tá na mórghníomhartha seo le sonrú ar chomh maith is a d'éirigh leis an gColáiste i nDámhachtain Teagaisc an Uachtaráin. Ciallaíonn an Scoil Iarchéime nuabhunaithe go mbíonn mic léinn PhD atá ag teacht isteach cláraithe anois i gcláir structúrtha oiliúna, a thugann raon níos leithne de scileanna dóibh, a fheabhsóidh a roghanna ó thaobh gairme de, agus timpeallacht taighde níos coláistí.

Chuir cuid mhór daoine aithne ar mhic léinn daonnachta UCD le linn scoileanna samhraidh, comhdhálaí agus gníomhaíochtaí for-rochtana eile. Bhí leagan nua ar Scoil Samhraidh UCD 2007, ag cur béime ar pholasaí eachtrach na hÉireann idir 1919 agus 2006. I measc an lucht freastail bhí lucht foirne, a hearcaíodh go háitiúil, de chuid na Roinne Gnóthaí Eachtracha as ambasáidí ar fud an domhain, agus mic léinn iarchéime idirnáisiúnta. Athsheoladh Soil Samhraidh James Joyce go rathúil faoi stiúir an Ollaimh Anne Fogarty, i gcomhpháirtíocht leis an James Joyce Centre, Baile Átha Cliath agus Coláiste Boston – Éire. I mí Iúil rinne Scoil an Bhéarla agus Drámaíochta óstáil ar níos mó na 300 mac léinn idirnáisiúnta ag an gcruinniú débhlíantúil den Chumann Idirnáisiúnta um Staidéar de Theangacha Éireannacha. Tá páirt mhór le fada an lá ag Institiúid Mhichíl Uí Cléirigh

An tOllamh Anne Fogarty, Ollamh le Léann Joyce UCD agus an Dr Fritz Senn, bunaitheoir na Fondúireachta James Joyce in Zurich, a d'fhreastail ar Scoil Samhraidh Joyce i mí Iúil 2007



UCD i gclár na n-ócáidí comórtha chun an 400ú comóradh bliain de Theitheadh na nIarlaí agus bunú Choláiste na hÉireann i Lováin a mharcáil.

Ceapacháin Acadúla

Neartú an réimse ábhair Stair na hEalaíne le ceapachán an Ollaimh Kathleen James-Chakraborty mar Ollamh Stair na hEalaíne, duine a bhí tráth fostaithe ag Ollscoil California ag Berkeley agus ar scoláire oiric d'ailtireacht na fichiú haoise í. D'fhill an tOllamh Liam Mac Mathúna ar a alma mater, chun ceannaireacht a ghlacadh ar Scoil na Gaeilge, an Léinn Cheiltigh, Bhéaloideas Éireann agus na Teangeolaíochta UCD. Cinnteoidh ceapachán an Ollaimh Anne Fogarty, as Scoil an Bhéarla agus Drámaíochta UCD, mar Ollamh Léinn James Joyce, go mbeidh UCD ina cheannaire domhanda sa réimse seo. Tugann ceapachán Frank McGuinness mar Ollamh Scríobh Cruthaitheach onóir do dhuine de mhór-dhrámadóirí na hÉireann agus duine de na léachtóirí ar a bhfuil an-mheas i Scoil an Bhéarla agus na Drámaíochta i UCD.

Taighde agus Dámhachtainí

Tugadh aitheantas do chaighdeán thaighdeoirí an Choláiste nuair a bronnadh cúig chomhaltacht de chuid na Comhairle um Thaighde sna Dána agus sna hEolaíochta Sóisialta do 2006/07, le

Scoil na Gaeilge, an Léinn Cheiltigh, Bhéaloideas Éireann agus na Teangeolaíochta ag fáil ceithre dhámhachtain. Agus muid ag leanúint ar aghaidh ag ceiliúradh agus ag tabhairt tacaíochta do scoláirí aonair, tá an Coláiste ag cothú braislí taighde i measc a fhoirne agus mic léinn iarchéime. Le bliain anuas bhí ceardlanna agus seimineáir ar éirigh go han-mhaith leo, agus a bhí dírithe ar an nuathréimhse mhoch, staidéir Éireannacha, eagarthóireacht téacs, cultúr ábhartha agus an domhan Atlantach. I measc cuid suntais taighde eile tá Dámhachtain Feabhais Muiníne Wellcome chun stair an leighis in Éirinn a fhorbairt (i gcomhpháirtíocht le hOllscoil Uladh), agus aistriú eile de lámhscríbhinní agus leabhair luachmhara, ina measc, go suaithinseach, na Wadding Papers, d'Institiúid Mhichíl Uí Chléirigh UCD, comhpháirtíocht idir UCD agus Ord Bráithre Mionúra (na Proinsiasaigh).

I dtreo dheireadh na bliana seo fuair an Coláiste duais de €3.6 milliúin ón gClár um Thaighde in Institiúidí Tríú Leibhéal, Timthriall 4, don tionscadal Global Ireland – comhthionscnamh ó Choláiste na nEalaíon agus Léinn Cheilteach UCD agus Coláiste na nEolaíochtaí Daonna UCD – chun tacaíocht a thabhairt do sprioc uailmhianach UCD staidéar in Éirinn a athrú go mór.



Ceapadh Frank McGuinness ina Ollamh le Scríbhneoireacht Chruthaitheach UCD

Coláiste na nEalaíon agus an Léinn Cheiltigh UCD

Poist amhail 1 Meán Fómhair 2006



Príomhoide an Choláiste

An tOllamh Mary Daly



Scoil na Seandálaíochta UCD

Ceann na Scoile

An Dr Muiris O'Sullivan



Scoil Stair na hEalaíne agus an Pholasaí Chultúrtha UCD

Ceann na Scoile

An Dr Paula Murphy



Scoil na gClasaicí UCD

Ceann na Scoile

An Dr Michael Lloyd



Scoil an Bhéarla agus na Drámaíochta UCD

Ceann na Scoile

An tOllamh Andrew Carpenter



Scoil na Staire agus na Cartlannaíochta UCD

Ceann na Scoile

An Dr Richard Aldous



Scoil na Gaeilge, an Léinn Cheiltigh, Bhéaloideas na hÉireann agus na Teangeolaíochta UCD

Ceann na Scoile

An tOllamh Séamas Ó Catháin



Scoil na dTeangacha, na Litríochta agus na Scannánaíochta UCD

Ceann na Scoile

Cliona de Bhaldráithe-Marsh



Scoil an Cheoil UCD

Ceann na Scoile


An Dr Wolfgang Marx

Coláiste Gnó agus Dlí UCD

Ag a bhunú, leag Coláiste Gnó agus Dlí UCD síos roinnt de phríomhchuspóirí straitéiseacha, go sonrach:

- Cothabháil ar líon na mac léinn bunchéime i gcomhthéacs déimeagrafaic mhíshásúil in Éirinn;
- Méadú suntasach ar mhic léinn iarchéime;
- Méadú ar thaighde maoinithe agus aschur taighde dáimhe;
- Méadú ar inmheánú na mac léinn agus na foirne acadúla, chomh maith le feabhsú ar an bpróifíl idirnáisiúnta;
- Forbairt inniúlachta feidhmiúcháin oideachais den scoth ag Scoil Chéimithe Ghnó Michael Smurfit ag UCD;
- Feabhsaithe ollmhóra ar na háiseanna.

Rinne Scoil Ghnó UCD (bunchéimithe) agus Scoil Dlí UCD dul chun cinn maith i dtaobh na gcuspóirí seo.



Forbairt Cláir

Tá Scoil Ghnó UCD ina rogha áite gó fóill dóibh siúd atá ag iarraidh slí bheatha a bhaint amach sa ghnó, agus tháinig athbheochan ar an éileamh ar an Dlí, mar dhisciplín, i measc na ndaoine a bhí ag fágáil na scoile ag an dara leibhéal. Tháinig méadú ar líon na mac léinn a roghnaigh dlí i UCD mar a chéad rogha CAO siocair sraith de chlár nua céimeanna.

Mhéadaigh an líon mac léinn iarchéime in ainneoin drochthreochtaí déimeagrafacha agus níos mó iomaíochta ó institiúidí eile agus margadh earcaíochta buacach. Tá Máistreacht sa Bhainistíocht á tairiscint anois ag Scoil Chéimithe Ghnó Michael Smurfit ag UCD den chéad uair agus chuir siad tús le roinnt sruthanna MBA nua.

Rinneadh dul chun cinn ar fhorbairt tairiscintí Oideachais Feidhmiúcháin le seoladh clár ceannasaíochta feidhmiúcháin d'oifigigh shinsearach sa Gharda Síochána. Sheol Stiúrthóir nua um Oideachas Feidhmiúcháin roinnt clár nua, rud atá ag baint amach uimhreacha arda clárúcháin.

Táthar ag leanúint ar aghaidh ag obair chun áiseanna fisiceacha a fheabhsú, le bronnadh €4 milliúin ó Peter Sutherland, duine de alumni is oirce de chuid UCD, chun tacú le tógáil foirgnimh nua do Scoil Dlí UCD; táthar ag dréim leis seo a bheith críochnaithe faoi 2010.

Siocair bronnantas mór ó bhronntóir anaithnid, cuireadh leabharlann nua ar fáil ar champas Scoil Smurfit ar an gCarraig Dhubh. Rinneadh an seanséipéal a athchóiriú go samhlaíoch agus é anois ina leabharlann den scoth. Tá sé cumasaithe

Leabharlann Scoil Smurfit UCD a cuireadh ar bun le déanaí a bhuíochas le bronnantas flaithiúil ó dheontóir anaithnid

An tOllamh Paul O'Connor, Scoil Dlí UCD (ar chlé) leis an mBreitheamh Adrian Hardiman a ceapadh mar bhall foirne sa scoil mar Bhreitheamh cónaitheach don dara seimeastar den bhliain acadúil 2006/07

go hiomlán do wi-fi, le spás do 150 úsáideoir, le níos mó ná 20,000 leabhar agus 5,000 tráchtas. Tá sé ceangailte le gach mórbhunachar sonraí agus stór ar líne chomh maith.

Ghlac Scoil Céimithe Ghnó Michael Smurfit ag UCD le togra uailmhianach le haghaidh athfhorbairt champas na Carraige Duibhe. Beidh cuid mhór tiomsú airgid de dhíth le linn na bliana atá amach romhainn chun fíis seo na Scoile a chomhlíonadh.

Rinne an Coláiste roinnt cuairteoirí agus ócáidí dearscnaitheacha a óstáil le linn na bliana chomh maith, ina measc An Taoiseach, Bertie Ahern TD, an straitéisitheoir bainistíochta a bhfuil clú air ar fud an domhain, an tOllamh Henry Mintzberg, agus Fóram Dlí na hEorpa Éireann.

Rinne mic léinn as níos mó ná 40 tír staidéar sa Choláiste anuraidh. Tá an treocht seo ag leanúint ar aghaidh le mic léinn as Veiniséala agus an Chasacstáin, i measc tíortha eile, dearbhaithe don bhliain atá ag teacht. Táthar ag dréim go mbeidh tromlach de mhic léinn as thar lear ar an gclár MBA lán-aimseartha den chéad uair.

Táthar ag dréim go dtiocfaidh méadú de níos mó ná 20% ar mhic léinn Erasmus agus iad sin atá ag staidéar thar lear ag Scoil Ghnó UCD sa bhliain atá romhainn agus beidh níos mó ná 1,400 mac léinn ag an Scoil san Áise Thoir-Theas ar chlár chianfhoghlaime go fóill.

Tugadh ceithre chlár MSc nua isteach do mhic léinn as thar lear ag Scoil Chéimithe Ghnó Michael Smurfit. Bhí an leas-phríomhoide, an tOllamh Frank Roche, i gceannas ar thoscaireacht a chuaigh go dtí an tSín agus a shínigh comhaontas le hOllscoil Wuhan. Tá sé faoi chaibidil ag an straitéis don mhargadh Síneach comhghuaillíochtaí a bheith ann le roinnt ollscoileanna Síneacha ardchaighdeánacha le haghaidh malairt mac léinn agus ball foirne. Déanann mic léinn Síneacha suas an cohórt is mó de mhic léinn as thar lear sna Scoileanna go léir.

An tOllamh Henry Mintzberg (lár) ó Ollscoil McGill, Montreal leis an Dr Geradine Doyle, Stiúrthóir ar an gclár MBA sa Chúram Sláinte ag Scoil Samhraidh UCD agus an tOllamh Tom Begley, Ceann Scoil Ghnó UCD



Tá an Coláiste ag comhoibriú leis an bpobal gnó chun sruthanna taighde agus cláir oideachais nua a fhorbairt in Airgeadas, faoi choimirce an Global Finance Academy.

Ceapacháin Acadúla

Bhí feabhsú leanúnach ann ar an gcumas bainistíochta agus acadúil le roinnt ceapacháin shinsearacha ag leibhéal an Choláiste, ina measc Stiúrthóirí nua ag Scoil Ghnó UCD agus Scoil Smurfit UCD.

Líon feachtas dianearcaíochta idirnáisiúnta ann le cúig chathaoir nua ag an Scoil Ghnó, an mhórchuid acu as thar lear.

D'éirigh an tOllamh Paul O'Connor as a phost mar Dhéan Scoile Dlí UCD tar éis beagnach 15 bliana de sheirbhís. Tá an tOllamh Joe Mc Mahon in áit mar Dhéan eatramhach go dtí go ndéanfar ceapachán buan, rud atáthar ag dréim leis go luath sa bhliain 2008.

Taighde agus Dámhachtainí

Tá líon na mic léinn dochtúireachta níos airde anois ná mar a bhí riamh roimhe agus chuir tabhairt isteach an chlár dhochtúireachta feabhas mór ar réim agus ar chaighdeán na hoiliúna a chuirtear ar fáil do mhic léinn taighde. Déanfar caipitliú ar na feabhsúcháin seo trí fhorbairt foinsí breise maoiniúcháin chun tacaíocht airgeadais do chéimeanna taighde a fheabhsú.

Mhéadaigh an dá Scoil a rannpháirtíocht i scéim síolmhaoiniúcháin na hOllscoile go mór, le 22 deontas nua bronnata.

Bhí maoiniú ollmhór chomh maith ón Roinn Dlí agus Cirt, Comhionannais agus Athchóirithe Dlí le haghaidh tionscadail ar chódú dlí coiriúil na hÉireann

Coláiste Gnó agus DLí UCD

Poist amhail 1 Meán Fómhair 2006



Príomhoide an Choláiste

An tUasal Paul Haran



Scoil DLí UCD

Ceann na Scoile

An tOllamh Paul O'Connor



An Scoil Ghnó UCD

Ceann na Scoile

An tOllamh Tom Begley

Coláiste na hInnealtóireachta, na Matamaitice agus na nEolaíochtaí Fisiciúla UCD

Is iad príomhspriocanna straitéiseacha an Choláiste ná:

- Sármhaitheas a thairiscint ó thaobh teagaisc agus foghlama de, bunaithe ar shármhaitheas i dtaighde agus i scolaíocht;
- Na mic léinn is fear a earcú agus a gcumas a uasmhéadú;
- Leanúint ar aghaidh ag forbairt cláir nua Baitsiléara agus Máistreachta agus na roghanna agus deiseanna do mhic léinn a mhéadú. Go háirithe, tá forbairt an chlár Bologna lárnach i gceann de na réimsí is leithne de roghanna oideachais ar fáil san Eoraip a thairiscint do mhic léinn.

Forbairt Cláir

Ta an Coláiste tiomanta an t-ardchaighdeán tacaíochta do theagasc agus don foghlaim, a bhfuil clú idirnáisiúnta bainte amach aige dá bharr, a chothabháil. Seoladh cláir nua BSc san Innealtóireacht, san Ailtireacht Tírdhreacha, san Eolaíocht Aeráide agus Domhaneolaíochta, agus san Fhisic le Réalteolaíocht agus Spáseolaíocht. Seoladh clár ME nua san Innealtóireacht Struchtúr le hAiltireacht agus clár MEngSc san Innealtóireacht Bhithchógaisíochta (i gcomhar le hOllscoil Chathair Bhaile Átha Cliath (DCU), Coláiste na Tríonóide (TCD) agus an Institiúid Náisiúnta um Thaighde agus Oiliúint Bhithphróiseála (NIBRT) chomh maith.

Le linn na bliana bunaíodh an tSaotharlann do Chórais Choimpléascacha agus Oiriúnaitheacha UCD (CASL). Bailíonn sé le chéile níos mó ná 150 taighdeoir ó gach cuid den Choláiste isteach san ionad ildisciplíneach is mó in Éirinn ag díriú ar réitigh a sholáthar ar phríomhfhadhbanna san eolaíocht ach cur i bhfeidhm matamaitice agus faisnéisíochta.

Tá na struchtúir oibríocha don Scoil Chéimithe curtha i ngníomh anois agus tháinig rialacháin nua PhD in éifeacht do gach mac léinn ó mhí Mheán Fómhair 2006. D'fhorbair Scoileanna pleananna cur i ngníomh ag leibhéil Scoile agus cláir do chlár struchtúrtha PhD agus rinneadh roinnt de chlár théamacha nua PhD idirscóile, idircholáiste agus idir-institiúide a dhearadh agus a sheoladh.

I gcomhar le Scoil Chéimithe Choláiste na nEolaíochtaí Beatha UCD, rinne Scoil Chéimithe Choláiste na hInnealtóireachta, na Matamaitice agus na nEolaíochtaí Fisiciúla UCD modúil a thairiscint do mhic léinn nua PhD chuig príomh-scileanna taighde, forbraíodh doiciméadú do mhic léinn nua agus rinneadh athdhearadh ar an suíomh gréasáin chun acmhainn bhreise a chur ar fáil don fhoireann agus do na mic léinn. Forbraíodh comhthaobhacht margaidh agus

rinneadh ionadú ar an Scoil Chéimithe agus a chomh-Scoileanna ag ócáidí earcaíochta céimithe i rith na bliana. Trí theagmháil le UK GRAD agus an UK Council for Graduate Education, rinneadh fiosrúchán ar chomhoibriú féideartha mar shampla an chomhoibriú leis na Scoileanna Céimithe ag Imperial College London i réimse scileanna inaistrithe.

Taighde agus Dámhachtainí

Cuireann an Coláiste taighde agus teagasc ildisciplíneach chun cinn idir Scoileanna agus Coláistí i UCD, agus le hinstitiúidí eile laistigh d'Éirinn agus thar lear chomh maith. Déanann an Coláiste taighde, oiliúint agus aistriú teicneolaíochta i gcomhar le tionscail. Is páirt lárnach de mhisean an Choláiste é taighde ardchaighdeán ar thús cadhnaíochta a chur ar fáil, le próifíl idirnáisiúnta. Bronnadh maoiniú seachtrach le haghaidh taighde ar an gColáiste de níos mó ná €24.3 milliúin, méadú suntasach de 70% ar an mbliain roimhe sin.



Pictiúr ar bronnadh duais ar sa chomórtas Images of Research, dar teideal Time to Reflect leis an gceimicí Oran Morris, ina bhfuil córas optach saintógtha ag an ngrúpa um an fhisic adamhach agus mhóilíneach chun staidéar a dhéanamh ar radaíocht agus ar phlasmaí léasar-chruthaithe as a dtagann iain

Léiríonn an tréimhse de mhéadú foisteanach i maoiniú Fhondúireacht Eolaíochta Éireann (SFI) chomh maith, ó €4.6 milliúin (2005/06) go €6.4 milliúin (2006/07) le 82 príomhthaighdeoir maoinithe ag an SFI sa Choláiste san am i láthair. Nuabhronnadh 25% dóibh seo sa bhliain acadúil 2006/07.

Mhéadaigh inniúlacht taighde go mór chomh maith. Tháinig méadú de 30% ar an líon taighdeoirí iardhochtúireachta sa Choláiste sa tréimhse 2006/07 agus tá 111 taighdeoir ann faoi láthair. Chomh maith leis sin, tháinig ardú ar an líon mac léinn taighde, le 427 mac léinn PhD cláraithe sa Choláiste don seisiún acadúil 2006/07. Ba é 389 an líon coibhéiseach do 2005/06. Fuair seasca cúig mac léinn céim PhD le linn 2006/07, méadú de 58% ar an mbliain roimhe sin.

Tá an tIonad Tacaíochta Matamaitice ag leanúint ar aghaidh ag cur cúnamh foghlama luachmhar ar fáil do mhic léinn ar fud an Choláiste. Tá pleananna á bhforbairt faoi láthair chun ionaid eile mar sin a bhunú i bpríomhaiteanna eile.

D'éirigh go han-mhaith le taighdeoirí sa Choláiste sna Deontais Taiscéalaíochta do Chláir Oideachais Thaighde Céimithe Chomhairle Taighde na hÉireann um Eolaíocht, Innealtóireacht agus Teicneolaíocht (IRCSET)/IRCHSS. Bhí páirt shuntasach ag an gColáiste i naoi gcinn de na 22 tionscnamh ar éirigh leo.

Bhronn Intel Ireland Ltd agus an IDA maoiniú de \$9.3milliún/€7.1milliún ar UCD le haghaidh Taighde Teicneolaíochta don Mhaireachtáil Neamhspleách. Bhí an tOllamh Richard Reilly ó Scoil na hInnealtóireachta Leictrí, Leictreonaí agus Mheicniúla i bhfeighil an ghrúpa. I measc na rannpháirtithe eile san infheistíocht \$30 milliún/€23 milliún bhí Coláiste na Tríonóide, Baile Átha Cliath agus Coláiste na hOllscoile, Gaillimh.

Mic Léinn idirnáisiúnta ag Seachtain um Éagsúlacht Chultúrtha UCD i mí Feabhra 2007.

Bronnadh an Dámhachtain um Thaighde Geolaíochta Griffith, dar luach €1.46 milliúin, ar an nGrúpa Taighde Geolaíochta Muirí agus Peitiriliam, leis an Ollamh Patrick Shannon i gceannas, as Scoil na nEolaíochtaí Geolaíochta UCD. Is príomhpháirt é an dámhachtain seo den Chláir Geolaíocht Náisiúnta 2007 – 2013.

Bronnadh maoiniú de €2.7 milliúin ó Thionscnaimh Matamaitic an SFI 2006 ar Gary McGuire, Stiúrthóir Institiúid Claude Shannon um Matamaitice Scoite, Códú agus Cripteagrafaíocht. Tá comhoibriú idir UCD, UCC, DCU agus Ollscoil na hÉireann, Má Nuad i gceist leis an Institiúid.

Bhí bronnadh na Dámhachtana Enterprise Ireland do thráchtálú faisnéisíochta 2006 ar an Ollamh Barry Smyth as ucht a cheannasaíochta i dtráchtálú taighde ollscoile ar bhuaicphointú taighde eile sa Choláiste.

Leis an Ollamh Paddy Nixon i gceannas, as Scoil na Ríomheolaíochta agus na Faisnéisíochta UCD, bhunaigh cuibhreannas d'Institiúidí tríú leibhéal an tIonad Taighde Digiteach Náisiúnta sa bhliain 2006, le maoiniú de níos mó ná €25 milliúin ón Roinn Cumarsáide, Mara agus Acmhainní Nádúrtha.

Tá dhá phríomhsprioc ag an gColáiste don bhliain amach romhainn: tacú le feabhsú inniúlachta na Scoileanna agus ionaid taighde idir scoile a thógáil atá dearscnaitheach agus iomaíoch go hidirnáisiúnta. Déantar díriú ar thacaíocht Scoile chun go leanfar ar aghaidh leis an rathúlacht i mealladh maoiniú taighde agus chun inniúlacht taighde na Scoile a fheabhsú.

Ag leibhéal an Choláiste, is é an sprioc ná forbairt a dhéanamh i roinnt de phríomhréimsí straitéiseacha, ina measc fuinneamh, samhaltú ríomhaireachtúil, córais choimpléascacha agus oiriúnaitheacha, nanai-bhitheolaíocht, agus innealtóireacht bhitheighis.



An tAire Cumarsáide, Mara agus Acmhainní Nádúrtha, Noel Dempsey TD (ar chlé) ag bronnadh gradam Charles Parsons um Thaighde ar Fhuinneamh ar an Ollamh Mark O'Malley (lár) agus ar an Ollamh Nick Quirke, Príomhoide, Coláiste na hInnealtóireachta, na Matamaitice agus na nEolaíochtaí Fisciúla UCD

Coláiste na hInnealtóireachta, na Matamaitice agus na nEolaíochtaí Fisiciúla UCD

Poist amhail 1 Meán Fómhair 2006



Príomhoide an Choláiste
An tOllamh Nick Quirke



**Scoil na hAiltireachta ,
na Tírdhreacha agus na
hInnealtóireachta Sibhialta UCD**
Ceann na Scoile
An Dr Mark Richardson



**Scoil na hInnealtóireachta Ceimicí
agus Bithphróisis UCD**
Ceann na Scoile
An tOllamh Don MacElroy



**Scoil na Ríomheolaíochta agus na
Faisnéisíochta UCD**
Ceann na Scoile
An tOllamh Barry Smyth



**Scoil na hInnealtóireachta Leictrí,
Leictreonaí agus Meicniúla UCD**
Ceann na Scoile
An Dr David FitzPatrick



**Scoil na nEolaíochtaí Geolaíochta
UCD**
Ceann na Scoile
An tOllamh Pat Shannon



**Scoil na nEolaíochtaí Matamaitice
UCD**
Ceann na Scoile
An tOllamh Adrian Ottewill



Scoil na Fisice UCD
Ceann na Scoile
An tOllamh Gerry O'Sullivan

Coláiste na nEolaíochtaí Daonna UCD

Tá an Coláiste déanta suas de dheich Scoil a thugann le cheile na heolaíochtaí sóisialta, raon de réimsí iildisciplíneacha, agus disciplíní eile, ina measc síceolaíocht, tíreolaíocht agus fealsúnacht.

Is iad aidhmeanna an Choláiste ná:


- Cur leis an tuiscint atá ann faoi athrú dhinimic náisiúnta, Eorpach agus dhomhanda agus aghaidh a thabhairt ar cheisteanna polasaí náisiúnta agus idirnáisiúnta;
- Forbairt a dhéanamh sa bhreis mar ionad thaighde ardchaighdeán ar thús cadhnaíochta sna heolaíochtaí sóisialta agus daonna;
- Ár gcláir bhunchéime a fheabhsú agus na mic léinn is fearr a mhealladh isteach chun riachtanais shochaíocha agus eacnamaíocha atá ag teacht chun cinn a chomhlíonadh;
- Scoil Chéimithe a fhorbairt a bhfuil meas air go hidirnáisiúnta.

Forbairt Cláir

Le linn 2006/07 tharla leanúint agus somhdhlúthú ar fhorbairtí tábhachtacha i Scoil na nEolaíochtaí Daonna UCD. Ghlac na deich scoil páirt ghníomhach i bpróiseas pleanála na Scoileanna, seoladh teaghlaim nua de chéimeanna sa Scoil Chéimithe agus bhuaigh scoláirí sna hEolaíochtaí Daonna deontais agus comhaltachtaí móra.

Seoladh roinnt clár bunchéime spreagúil nua i Meán Fómhair 2006, mar shampla céimeanna i dTíreolaíocht, Polasaí Pleanála agus Comhshaoil, Stair, Polaitíocht agus Caidreamh Idirnáisiúnta, Eacnamaíocht agus Polaitíocht, Dlí le Polaitíocht, Dlí le Fealsúnacht, agus Dlí le hEacnamaíocht. Rinne Coláiste na nEolaíochtaí Daonna UCD agus Coláiste na nEolaíochtaí Beatha UCD le chéile tionscadal teagaisc nuálaíoch do ranganna móra a sheoladh. Sa tionscadal seo rinne Scoil na Tíreolaíochta, na Pleanála agus Polasaí Comhshaoil UCD athdhearadh ar cheann de na módúil mhóra leibhéal a haon, le níos mó ná 400 mac léinn ag úsáid cur chuige nuálaíoch teagaisc ar bhonn fiosraithe. Nochtaigh taighde i dtoradh an mhódúil leibhéal níos airde de rannpháirtíochta i measc na mac léinn, chomh maith le tinreamh níos fearr agus gráid níos airde.

Bhí an Coláiste, arna mhaoiniú ag Ciste Nuálaíochta Straitéise an tÚdarás um Ard-Oideachas, ar thús cadhnaíochta i bhforbairt scéime do chomhaltachtaí teagaisc ollscoile agus forbairtí acadúla. Aithníonn an scéim seo



sármhúinteoirí a oibríonn i róil cheannasaíochta ina Scoileanna aonair féin agus ar fud na hollscoile, agus tugann sé luaíocht dóibh. Bronnadh trí cheann de na comhaltachtaí oirce seo de scoláirí na nEolaíochtaí Daonna a bheidh ag obair go sonrach ar fheabhsú eispéireas na chéad bliana agus ag cabhrú lena gcomhoibrithe chun cur chuige measúnachta níos éifeachtaí a fhorbairt.

Le linn na bliana rinne an Coláiste forbairt bhreise ar a Scoil Chéimithe agus bunaíodh Boird Chéimithe do chlár taighde agus teagaisc. Ba é an Coláiste an chéad cheann i UCD a thug isteach comhpháirt struchtúrtha muinte ina chlár PhD go léir; chuir Scoil Chéimithe an Choláiste cláir eagraithe módúil ar fáil ar mhodhanna taighde i gcomhar le Scoil Chéimithe an Choláiste Ghnó agus Dlí UCD. Thug ceapachán léachtóra i bhFealsúnacht na hEolaíochta agus i Modhanna Cannoíochtúla Taighde tacaíochta do thiomantas an Choláiste i dtaobh foirmiú gairmiúil a mhac léinn iarchéime a fhorbairt. I measc feabhsúcháin shuntasacha ar eispéireas an chéimithe sa Choláiste bhí bunú níos mó ná 300 spás oifige nua do chéimithe agus sheoladh an chéad Chiste Nuálaíochta Taighde Iarchéime do mhic léinn atá ag déanamh taighde iarchéime.

Thionóil an Scoil Chéimithe a chéad chomhdháil PhD i mí Bealtaine 2007 le níos mó ná 40 mac léinn iarchéime ag glacadh páirte, agus aoichainteoirí, ina measc an tOllamh Frances Ruane, Stiúrthóir na hInstitiúide um Thaighde Eacnamaíochta agus Sóisialta (ESRI) agus Mary Davis, Cathaoirleach an Tascfhórsa ar Shaoránacht Ghníomhach.

Rinne an Coláiste roinnt léachtaí dearscnaitheacha a óstáil le mhórscoláirí idirnáisiúnta. Thug an tOllamh Ian Shapiro, Ollamh Steirling na hEolaíochta Polaitiúla ag Ollscoil Yale agus Stiúrthóir Ionad Macmillan do Staidéir Idirnáisiúnta

Pictiúr ar bronnadh duais ar sa chomórtas Images of Research, dar teideal Averaged leis an Dr Nuala Brady, Scoil na Síceolaíochta UCD, a cruthaíodh ach 70 aghaidh fireann agus bainneann a mheascadh chun an 'meán' aghaidh atá ag duine óg Éireannach a léiriú. Baintear úsáid as na híomhánna seo i dtaighde a dhéantar ar éifeacht an characatúir in aithint aghaidhe.

An tOllamh Brigid Laffan, Príomhoide, Choláiste na nEolaíochtaí Daonna UCD leis an Ollamh Ian Shapiro ó Ollscoil Yale



agus Ceantair ag Ollscoil Yale Léacht tionscnaimh Choláiste na nEolaíochtaí Daonna UCD i mí na Samhna 2006. The Flight from Reality in the Human Sciences a bhí mar theideal ar a léacht. I mí an Mhárta 2007 rinne an fealsamh oiric an tOllamh Hilary Putnam as Ollscoil Harvard, freastal ar chollóicim ina onóir mar pháirt de cheiliúradh a 80 bliain. Thug an tOllamh Putnam léacht dar teideal The Fact/Value Dichotomy and its Critics. I mí an Mheithimh 2007 bhronn UCD céim oinigh ar an Ollamh Amartya Sen, Nobel Laureate in Eacnamaíocht. Thug an tOllamh Sen léacht poiblí ar an téama Féiniúlacht, Bochtaineacht agus Foréigean (Identity, Poverty and Violence) agus thug sé seimineár do chéimithe i Scoil na hEacnamaíochta UCD. Ghlac an tOllamh Sneja Gunew (Ollscoil British Columbia) agus an tOllamh Marco Mattiniello (Ollscoil Liège) páirt i ngníomhaíochtaí an Tionscnaimh um Thaighde Imirce agus Saoránachta.

Ceapacháin Acadúla

Rinne an Coláiste roinnt ceapachán Ollaimh le linn na bliana acadúla. I measc na gceapachán nua bhí dhá ollúnacht i Scoil an Léinn Shóisialta Fheidhmeannaigh, an tOllamh Tomy Fahey, Ollamh le Beartas Sóisialta agus an tOllamh Brian Nolan, Ollamh le Beartas Poiblí. Ceapadh an tOllamh Karl Whelan go Scoil na hEacnamaíochta UCD agus an tOllamh Alun Jones go Scoil na Tíreolaíochta, na Pleanála agus Polasaí Comhshaoil UCD. Chuaigh an tOllamh Damiel Thomas agus an tOllamh Paul Walsh isteach i Scoil na Polaitíochta agus na nGnóthaí idirnáisiúnta. Bhí seisiún tionscnaimh idirnáisiúnta an Choláiste, atá ag dul i méid go leanúnach, le feiceáil in earcaíocht lucht léinn ag tús a ngairmeacha ón RA, Mór-Roinn na hEorpa agus ó Mheiriceá Thuaidh.

Chuir an Scoil Chéimithe fáilte roimh an Dr. Christopher Mole (Scoil na Fealsúnachta UCD) agus an Dr Jos Elkink (Scoil na Polaitíochta agus na nGnóthaí Idirnáisiúnta UCD), a oibreoidh mar fhoireann chun an soláthar múinte do chéimithe a athdheardh agus a neartú.

Taighde agus dámhachtainí

Bhí rath ar an gColáiste le linn 2006/07. Ina measc bhí foilseacháin mhóra le foilsitheoirí idirnáisiúnta i leabhair agus in irisí idirnáisiúnta ar thus cadhnaíochta a bhfuil piarmheasúnú déanta orthu. Chomh maith leis sin, bhí deontais ón gComhairle um Thaighde sna Dána agus sna hEolaíochtaí Sóisialta (IRCHSS), an tAontas Eorpach (AE), Ciste Sóisialta na hEorpa (CSE), Norface, Cúnamh Éireann, Feidhmeannacht na Seirbhíse Sláinte (HSE), an Ghníomhaireacht um Chaomhnú Comhshaoil (GCC) agus roinnt gníomhaireachtaí agus eagraíochtaí neamhrialtasacha éagsúla. Bhí rath ar scoláirí an in iarracht de chuid Fhoras Eolaíochta na hEorpa chun clár Taighde Comhoibríoch na hEorpa ESF (EUROCORES) a fhorbairt. Ba seo an chéad uair a forbraíodh clár taighde EUROCORES sna heolaíochtaí sóisialta. Bunaíodh an clár ar théama an idirghníomhaithe idir luachanna daonna, institiúidí, agus iompar. Tagann maoiniú don chlár ó 18 ngníomhaireacht mhaoiniúcháin náisiúnta, an IRCHSS i gcás na hÉireann.

Bhí rath ar an gColáiste in dhá ghné de chur i ngníomh PRTL, Timthriall 4 na hOllscoile. Bhí comhoibriú idirdhisciplíne agus idir-institiúide i gceist leis an dá thionscadal. I gceann amháin (an Tionscadal Éireann Domhanda) tá comhiarratas i gceist, le Coláiste na nEalaíon agus an Léinn Cheiltigh UCD mar pháirt de chlár Ealaíon/na nDaonnachtaí níos leithne. Is é a bhí i gceist leis an dara ceann ná forbairt bhreise ar Chartlann Sonraí Eolaíochtaí Sóisialta na hÉireann i gcomhar le hInstitiúid Uí Ghadhra UCD. B'ionann luach na gconarthaí a síníodh le linn 2006/07 ná níos mó na €5.75 milliúin.

Coláiste na nEolaíochtaí Daonna UCD

Poist amhail 1 Meán Fómhair 2006



Príomhoide an Choláiste
An tOllamh Brigid Laffan



**Scoil an Léinn Shóisialta
Fheidhmeannaigh UCD**
Ceann na Scoile
An Dr Valerie Richardson



Scoil na hEacnamaíochta UCD
Ceann na Scoile
An tOllamh Rodney Thom



**Scoil an Oideachais is Foghlaim
feadh Saoil UCD**
Ceann na Scoile
An tOllamh Sheelagh Drudy



**Scoil na Tíreolaíochta, na
Pleanála agus Polasaí Comhshaoil
UCD**
Ceann na Scoile
An Dr Joe Brady



**Scoil an Léinn Eolais agus na
Leabharlannaíochta UCD**
Ceann na Scoile
An tOllamh Mary Burke



Scoil na Fealsúnachta UCD
Ceann na Scoile
An Dr Gerard Casey



**Scoil na Polaitíochta agus na
nGnóthaí Idirnáisiúnta UCD**
Ceann na Scoile
An tOllamh Attracta Ingram



Scoil na Síceolaíochta UCD
Ceann na Scoile
An Dr Barbara Dooley



Scoil na Córa Sóisialta UCD
Ceann na Scoile
An Dr Sara Cantillon



Scoil na Socheolaíochta UCD
Ceann na Scoile
An Dr Aogán Mulcahy

Coláiste na nEolaíochtaí Beatha

Ba iad príomhchuspóirí straitéiseacha an Choláiste ná méadú i méid na n-aonaid acadúla agus taighde le mais chriticiúil níos mó agus cothú na dtionscnaimh tras-Scoile. Dhírigh siad seo go príomhúil, ach ní hamháin, ar thionscnaimh taighde, bunaithe ar rathúlacht in iomaíocht don leibhéal ard atá ar fáil san am i láthair de chistí náisiúnta agus AE.

Chuir roinnt fachtóirí leis an rathúlacht reatha:

- ioncaim taighde méadaithe a ghin foirne taighde atá ann faoi láthair;
- earcaíocht straitéiseach ar thaighdeoirí breise i ndisciplíní roghnaithe;
- méadú suntasach ar an gcomhoibriú tras-Scoile as ar eascair deontais taighde téamach níos mó.


Ní le taighde amháin atá an comhoibriú tras-Scoile ag baint, ach tháinig tionscnaimh de roinnt cláir chéime idirdhisciplíne nua as, ata leagtha amach thíos.

Forbairtí Cláir

Ba bhliain de ghníomhaíocht a bhí de shíor ag dul i méid í 2006/07. Rinne gach ceann de na hocht Scoileanna a struchtúir nua a chomhdhlúthú agus mhéadaigh siad a bhfoirne le ceapachán baill foirne shinsearacha acadúla agus riaracháin. Is dócha gurb é an t-athrú is mó a d'fhógair aon Scoil ná tionscnaimh Scoil an Leighis agus Eolaíocht an Leighis UCD chun dul isteach le dhá cheann de na hospidéal oiliúna is mó in Éirinn, Ospidéal Ollscoile Naomh Uinseann agus Ospidéal Ollscoile Mater Misericordiae chun an chéad ionad leighis acadúil na hÉireann a chruthú, Cúram Sláinte Acadúil Bhaile Átha Cliath (DAHC). Úsáideadh an modh seo d'idirnascadh scoileanna leighis agus a n-ospidéal chleamhnaithe faoi bhrateagraíocht amháin go rathúil i Meiriceá Thuaidh agus in áiteanna eile san Eoraip agus is é an chéad tionscnamh den chineál seo é i gcóras cúraim shláinte acadúil na hÉireann. Déanfaidh DAHC saineolas agus acmhainní na dtí eagraíocht a chomhthiomsú chun imeascadh de chúram othar a fheabhsú chomh maith le hoiliúint leighis, agus chun comhoibriú idir thaighdeoirí bithleighis agus cliniceoirí a chur chun cinn.

Cuireadh tús le thrí clár bunchéime nua ceithre bliana sa Choláiste i Meán Fómhair 2006, as ar eascair méadú réamh-mheasta de 240 mac léinn bunchéime faoi 2009. Ba chlár BSc iad san eolaíocht néarchórais (iontógáil de 10 mac léinn sa bhliain), Cnámhseachas (iontógáil de 20 mac léinn sa bhliain, agus Altranais Leanaí agus Ginearálta (iontógáil de 30 mac léinn sa bhliain).

Tharla méadú de 11% ar an líon céimithe taighde sna heolaíochtaí beatha, go 790. B'ionann an caiteachas ar thaighde agus thart ar 17% níos mó agus tharla an méadú is mó i Scoil na Talmhaíochta, Eolaíocht an Chothaithe agus an Leighis Tréidliachta UCD, Scoil an Leighis



agus Eolaíocht an Leighis UCD, agus Scoil na Bitheolaíochta agus na hEolaíochta Comhshaoil.

Mar atá sonraithe ar Ich64 den tuarascáil seo, tá tús curtha leis an gcéad chéim d'athfhorbairt ionad Eolaíochta UCD.

Rinneadh athfhorbairt ar Oifig Chlár Eolaíocht na Talmhaíochta chun timpeallacht dheas a chur ar fáil do mhic léinn in áit amháin.

Thosaigh obair thógála agus tá sé chun cinn go maith chun ligean don Lia-Bhiúro um Shábháilteacht ar Bhóithre a bhogadh ó Ardán Phort an Iarla go forbairt níos nua-aimseartha laistigh de choimpléasc na nEolaíochtaí Sláinte.

Cuireann méadaithe in ioncaim taighde in iúl go bhfásfaidh foireann agus céimithe atá maoinithe ag taighde de thart ar 500 sna 18 mí amach romhainn, agus ceapadh baill foirne le déanaí ag tabhairt foirne suntasacha taighde leo chomh maith.

Chríochnaigh gach scoil pleananna cúig bliana le bliain anuas. I measc spriocanna na ngníomhaíochtaí pleanáilte tá:

The Colour of Life,
pictiúr a chruthaigh
William Gallagher,
Scoil na hEolaíochta
Beithmhóilínigh agus
Bithleighis UCD, agus a
cuireadh isteach ar an
gcomórtas Images of
Research

- Méadú in ioncainm thaighde bhliantúil de 136%;
- Méadú de 101% ar chóimheas chéimithe lánaimseartha ó 1,131 go 2,269;
- Méadú ar Chóimheas mac léinn bunchéime/ iarchéime múinte lánaimseartha de 14% ó 4,876 i mbliain náid go 5,557 i mbliain a cúig. Ag cur leis seo, beidh cláir nua in Eolaíocht Chothaithe, Eolaíocht Bhithleigheis, Ceimic Mhíochaineach agus Eolaíocht Fheidhmiúlachta;
- Infheistiú glan de €2.2 milliúin sa bhliain i mbliain a haon, ag a bhuaic ag 44.3 milliúin sa bhliain i mbliain a trí, do Scoil an Leighis agus Eolaíocht Leighis – ar bhailt foirne acadúla don mhórchuid. Táthar ag dréim sa Scoil seo le sruth nua iontrála de chéimithe chomh maith.
- Forbairt ar Institiúid nua um Spóirt agus Sláinte UCD atá gaolmhar le Scoil na Fisiteiripe agus na Gníomheolaíochta ag tosú le hinfeistiú de €750k de threalamh.

Ceapacháin Acadúla

Several senior academic staff members joined the Tháinig roinnt de bhailt foirne shinsearach acadúla isteach sa Choláiste trí ghnáthearcaíocht agus cleachtadh earcaíochta téamaí. Leanfaidh earcaíocht ar aghaidh sa bhliain acadúil 2007/08 le próiseas earcaíochta Stokes an SFI. I measc na gceapachán nua tá ollúnachtaí chun Institiúid idirdhisciplíneach um Bia agus Sláinte UCD a cheannasú (an tOllamh Michael Gibney) agus Institiúid um Spóirt agus Sláinte UCD a cheannasú (an tOllamh Colin Boreham). Ceapadh ollaimh chomh maith i ndisciplíní na Bithaisnéisíochta (an tOllamh Brendan Loftus);

Leigheas agus Treapeolaíocht ag Ospidéal Ollscoile Naomh Uinseann (an tOllamh Michael Keane); Asaideolaíocht agus Banliacht ag Ospidéal naomh Uinseann agus Ospidéal na mBan sa Chom (an tOllamh Michael Turner); Gníomheolaíocht (an tOllamh Giuseppe De Vito); Eipidéimeolaíocht de Chothaíocht agus Galair Iompraithe ar Bhia (An tOllamh Patrick Wall); Ithireolaíocht (an tOllamh Christoph Muller); Staidéir Chliniciúil Tréidliachta (an tOllamh Michael Doherty) agus Tréidliacht (an tOllamh Pieter Brama).

Taighde agus dámhachtainí

Is dócha go mbeidh luach de níos mó ná an t-iomlán de €45 milliúin (glan ar fhorchostais) a bhí ann anuraidh ag baint leis na conarthaí a síníodh roimh dheireadh na bliana. Na Scoileanna a bhfuil an bhaint is mo acu leis seo ná Scoil na Talmhaíochta, Eolaíocht an Chothaithe agus an Leighis Tréidliachta UCD, agus Scoil an Leighis agus Eolaíocht an Leighis UCD.

Cruthaíodh dhá institiúid idirdhisciplíneacha taighde nua i mBia agus Sláinte, agus Spóirt agus Sláinte. Bhí bliain an-rathúil ag an gcéad cheann díobh seo sa tréimhse 2006/07, le conarthaí móra ó Enterprise Ireland (€8.5 milliúin), EU Framework 7 agus an clár PRTLÍ atá á mhaoiniú ag an Údarás um Ard-Oideachas. Laistigh den chlár PRTLÍ is déanaí, bhí baint ag an gColáiste le roinnt tionscnamh rathúil sna heolaíochtaí (bhith)chógaisíochta agus cógaseolaíochta, teicneolaíochtaí naineolaíochta agus nanascála agus clár oiliúna céimithe san eolaíocht bhithleigheis.



A safe pair of hands, pictiúr a bhuaigh duais sa chomórtas Images of Research leis an Dr Eamonn Gormley, Scoil na Talmhaíochta, Eolaíocht an Chothaithe agus an Leighis Tréidliachta UCD. Tá an broc ar cheann de na mamaigh dhúchasacha is mó in Éirinn. Tá lámh chúnta á thabhairt don bhroc óg seo sula dtabharfar ar ais dá mháthair é

Coláiste na nEolaíochtaí Beatha

Poist amhail 1 Meán Fómhair 2006



Príomhoide na Scoile
An tOllamh Brian McKenna



Scoil na Talmhaíochta, Eolaíocht an Chothaithe agus an Leighis Tréidliachta UCD
Ceann na Scoile
An tOllamh Maurice Boland



Scoil na Bitheolaíochta agus na hEolaíochta Comhshaoil UCD
Ceann na Scoile
An tOllamh Tom Bolger



Scoil na hEolaíochta Bithmhóilínigh agus an Bithleighis UCD
Ceann na Scoile
An Dr Paul Moynagh



Scoil na Ceimice agus na Ceimbhitheolaíochta UCD
Ceann na Scoile
An tOllamh Michael McGlinchey



Scoil an Leighis agus Eolaíocht an Leighis UCD
Ceann na Scoile
An tOllamh Bill Powderly



Scoil an Altranais, an Chnáimhseachais agus na gCóras Sláinte UCD
Ceann na Scoile
Dr Marie Carney



Scoil na Sláinte Poiblí agus Eolaíocht an Daonra UCD
Ceann na Scoile
An tOllamh Cecily Kelleher



Scoil na Fisiteiripe agus na Gníomheolaíochta UCD
Ceann na Scoile
An Dr Catherine Blake